

Broj: 05-02-80-30/2022-7  
Sarajevo, 26.07.2022. godine

Na osnovu člana 70. st. (1) i (4), a u vezi sa članom 69. stav (2) tačka e) Zakona o javnim nabavkama („Službeni glasnik BiH“, broj: 39/14), sekretar Vlade Federacije Bosne i Hercegovine, d o n o s i

**O D L U K U**  
**O PONIŠTENJU POSTUPKA JAVNE NABAVKE ROBA – NABAVKA KANCELARIJSKOG I**  
**KOMPJUTERSKOG MATERIJALA I OSTALOG ADMINISTRATIVNOG MATERIJALA I**  
**SITNOG INVENTARA – NABAVKA KANCELARIJSKOG MATERIJALA ZA POTREBE**  
**GENERALNOG SEKRETARIJATA VLADE FEDERACIJE BOSNE I HERCEGOVINE**

**I.**

Poništava se postupak javne nabavke: Konkurentski zahtjev za dostavu ponuda za javnu nabavku roba - nabavka kancelarijskog i kompjuterskog materijala i ostalog administrativnog materijala i sitnog inventara – nabavka kancelarijskog materijala za potrebe Generalnog sekretarijata Vlade Federacije Bosne i Hercegovine, evidencijski broj nabavke: 05-02-80-30/2022-1 od 27.06.2022. godine, broj Obavještenja o nabavci sa Portala javnih nabavki: 854-7-1-56-3-9/22 od 28.06.2022. godine, s obzirom da jedina prihvatljiva ponuda ponuđača AERO-EXCLUSIVE d.o.o. Sarajevo znatno prekoračuje procijenjenu vrijednost javne nabavke.

**II.**

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke, broj: 05-02-80-30/2022 od 27.06.2022. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 14.000,00 KM bez PDV-a.

Obavijest o nabavci, broj: 854-7-1-56-3-9/22 poslana je na objavu 28.06.2022. godine, te je istog dana objavljena na portalu Javnih nabavki.

Tendersku dokumentaciju je preuzelo 9 (devet) privrednih subjekata, a 1 (jedan) ponuđač dostavio je ponudu u predmetnom postupku nabavke.

Ponuda je blagovremeno pristigla. U skladu sa provedenim predmetnim postupkom javne nabavke, ponudu je dostavio sljedeći ponuđač: AERO-EXCLUSIVE d.o.o. Sarajevo.

Komisija za javne nabavke, imenovana Rješenjem, broj: 05-30-81-R-11/2022 od 27.06.2022. godine, izvršila je pregled i ocjenu ponude, te konstatovala da je ponuda ponuđača: AERO-EXCLUSIVE d.o.o. Sarajevo prihvatljiva.

**Ponuda ponuđača AERO-EXCLUSIVE d.o.o. Sarajevo ocijenjena je kao prihvatljiva, ali ista prekoračuje procijenjenu vrijednost javne nabavke, koja iznosi 14.000,00 KM bez PDV-a. Ukupna cijena Ponude ponuđača AERO-EXCLUSIVE d.o.o. Sarajevo iznosi 19.171,00 KM bez PDV-a i veća je za 5.171,00 KM u odnosu na procijenjenu vrijednost javne nabavke.**

Ugovorni organ je za predmetnu nabavku predvidio provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16). S obzirom da je dostavljena samo jedna ponuda u predmetnom postupku e-aukcija nije zakazana.

Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 05-02-80-30/2022-5 od 25.07.2022. godine i Preporuku za donošenje odluke o poništenju postupka, broj: 05-02-80-30/2022-6 od 26.07.2022. godine u kojem je konstatirala da je ponuda ponuđača AERO-EXCLUSIVE d.o.o. Sarajevo, sa registriranim sjedištem u Sarajevu, ID broj: 4200061610000 prihvatljiva u smislu kvalifikacionih uvjeta postavljenih u Tenderskoj dokumentaciji, ali da ista znatno prekoračuje procijenjenu vrijednost javne nabavke, koja je iznosila 14.000,00 KM bez PDV-a. Odnosno cijena ponude je veća za 5.171,00 KM bez PDV-a u odnosu na procijenjenu vrijednost javne nabavke.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjele ponude, shodno kriterijima iz Tenderske dokumentacije.

Ponuđač AERO-EXCLUSIVE d.o.o. Sarajevo dostavio je prihvatljivu Ponudu u skladu sa uvjetima postavljenim u Tenderskoj dokumentaciji.

S obzirom da je cijena prihvatljive ponude znatno veća od osiguranih sredstava za predmetnu nabavku, rukovodilac Ugovornog organa dala je saglasnost Komisiji za javne nabavke, imenovanoj Rješenjem, broj: 05-30-81-R-11/2022 od 27.06.2022. godine za sačinjavanje Prijedloga odluke o poništenju predmetnog postupka javne nabavke.

Uzimajući u obzir naprijed navedeno, a shodno članu 69. stav (2) tačka e) Zakona o javnim nabavkama, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, ponuđač koji je učestvovao u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

Dostaviti:

1. AERO-EXCLUSIVE d.o.o. Sarajevo
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove



**SEKRETAR VLADE**  
**mr. sc. Edita Kalajdžić**